

Broj: 01-11/5-615-12/2023
Sarajevo, 22.11.2023. godine

Na osnovu člana 64. stav (1) i člana 70. st. (1), (3) i (6) Zakona o javnim nabavkama BiH („Službeni glasnik BiH”, br. 39/14 i 59/22), federalni ministar poljoprivrede, vodoprivrede i šumarstva, d o n o s i

ODLUKU

o izmjeni odluke o izboru najpovoljnijeg ponuđača za nabavku usluga izrade lovnoprivrednih osnova za posebna lovišta na teritoriji FBiH

I

U Odluci o izboru najpovoljnijeg ponuđača za nabavku usluga izrade lovnoprivrednih osnova za posebna lovišta na teritoriji FBiH tačka I mjenja se i glasi:

„I

Prihvata se preporuka Komisije za javne nabavke i nakon provedenog konkurentskog postupka ugovor za pružanje usluga izrade lovnoprivrednih osnova za posebna lovišta na teritoriji FBiH dodjeljuje se ponuđaču „WALD-PROJEKT“ d.o.o. Bosanska Krupa za ponudu broj: 170-09/23 od 29.09.2023. godine u iznosu od 30.000,00 KM bez PDV-a.“

II

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Odlukom o izboru najpovoljnijeg ponuđača za nabavku usluga izrade lovnoprivrednih osnova za posebna lovišta na teritoriji FBiH, broj: 01-11/5-615-11/2023 od 11.10.2023. godine odlučeno je da se prihvata preporuka Komisije za javne nabavke i nakon provedenog konkurentskog postupka ugovor za pružanje usluga izrade lovnoprivrednih osnova za posebna lovišta na teritoriji FBiH dodjeljuje se ponuđaču „ŠUMA PLAN“ d.o.o. Banja Luka za ponudu broj: 125-09/23 od 28.09.2023. godine u iznosu od 29.990,00 KM bez PDV-a. U tenderskoj dokumentaciji/zahtjevu za dostavljanje ponuda za nabavku usluga izrade lovnoprivrednih osnova za posebna lovišta na teritoriji FBiH određeno je da izabrani ponuđač mora dostaviti dokaze o ispunjavanju uvjeta koji se traže u postupku javne nabavke u originalu ili kopiji ovjerene od nadležnog organa (sud, notar ili općina) u roku od 5 (pet) dana od dana zaprimanja obavještenja o rezultatima ovog postupka javne nabavke. Dalje je određeno da u slučaju da izabrani ponuđač ne dostavi u ostavljenom roku definiranu dokumentaciju kojom se dokazuje ispunjavanje postavljenih uslova, ugovor će se dodijeliti sljedećem ponuđaču sa rang liste.

S obzirom da prvorangirani izabrani kandidat nije u određenom roku dostavio obavezne dokaze u propisanoj formi kojom se dokazuje ispunjavanje postavljenih uslova, odnosno nije dokaze dostavio uopće, riješeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.



Dostaviti:

- Svim ponuđačima u postupku
- Komisija za javne nabavke
- a/a